

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Fulminum vis, Deo seruientium, tribus exemplis declaratur.

urn:nbn:de:hbz:466:1-45686

34 Cap. IV. Fulmina Pharaonem, & Alphonsum, alioſq; castigantia.

plicavit, & conturbanit eos. Nam, *Qui sunt, qui trepidant, & ad omnia fulgura pallent?* Nonne quorum conscientia clamat, *Deum se habere inimicum?* Quid ergo tunc animi Alfonso putemus fuisse? cum præsertim & tempestas, & circumstantes venti, & fulminum jactus, illi semper fierent viciniores? Trepidabat Rex, sed, ad salutaria stupidus, non emendabatur. Itaque propius censuit ira Numinis feriendum. Fulmen trisulcum in ipsum eius cubiculum destinat, quo & Regis & Reginæ vestes extemplò combustæ, atque in cineres redactæ fuerunt. Ibi enim è veterno excitatus Alphonsus, sed attonitus, & vix loqui valens, cubicularios vocat, jubetq; Eremitam, ante aliquot horas, cum indignatione, abactum, actutum reuocari. Sed erat ea tempestatis vehementia, ut è palatio exire nemo posset. Repetitis igitur cæli mugientis fragoribus ictibusque, & corusco fulmine alia super alia incendente, immensum auctus est Regis metus, ut augeretur & desiderium Eremitæ reuocandi. Quem ut tandem vidit Rex ingredientem, iam longè à se alius ad pedes eius procidens; *Ego, inquit, sum, qui peccavi.* Eremita vero, *Homo acharis,* ait, quasi fabula vana. Et: *Quis posuit in visceribus hominis sapientiam?* Nuncquid Altissimi Consiliarius tu es? O vitianum, Rex, memor fuisses verborum Regis Sapientissimi Salomonis, *Vanitatem, & verba mendacia longè fac a me.* Vides nunc omnipotentiam DEI? Vides, cur fulmina condiderit?

VII.

Eccles. 10. 21.
Iob. 38. 36.

Prover. 30. 8.

Sapi. 5. 21.

3. Reg. 18. 38.
4. Reg. 1. 9.

Si homines diuina affectare, si Pelion Ossa imponere, si se gigantes existimare volunt, pugnabit cum illo Orbis terrarum, contra insensatos. Ibunt directè emissiones fulgurum, & tanquam à benè curvato arcu nubium, exterminabuntur, & ad certum locum insilient; in intimum tuum cubile penetrabunt; pectus tuum ferient: hoc satis est Creatori, si habeat tales satellites, honorisque sui defensores. Tales habuit Elias, & tunc, quando frustra clamantibus sacrificulis Baal, elicuit ignem de cælo, ad absumentum holocaustum; & tunc, quando Ochozias misit ad eum quinquagenarium Principem, & quinquaginta, qui erant sub eo. Qui ascendit ad eum, sedentique in vertice montis, ait: *Homo Dei, Rex præcepit, ut descendas.* Respondensq; Elias, dixit *Quinquagenario:* *Si homo Dei sum, descendat ignis de cælo,* & denoret te, & quinquaginta tuos. Descendit itaq; ignis de cælo, & demorauit eum, & quinquaginta, qui erant cum eo. Rursumq; misit ad eum Principem.

Principem quinquagenarium alterum, & quinquaginta cum eo. Qui locutus est illi: Homo Dei, hac dicit Rex, festina, descendere. Respondens Elias, ait: Si homo Dei ego sum, descendat ignis de celo, & devoret te, & quinquaginta tuos. Descendit ergo ignis de celo, & devorauit illum, & quinquaginta eius. Nunquid tunc fulmen inutile fuit, quando hominem Dei defendit, & hostes Dei extinxit? sicut & Iudâ Machabœo pugnante, cum vehemens pugna esset, apparuerunt aduersarijs viri quinque de celo, in equis, fratribus aureis decori, ducatum Iudeis præstantes, eis quibus duo Machabæum medium habentes, armis suis circumseptum incolorem conseruabant; in aduersario autem tela & fulmina jaciebant, ex quo & cæcitate confusi, & repleti perturbatione cædebat. Interfecti sunt autem viginti millia, quingenti, & equites sexcenti. Olim duo fulmina belli Scipiæ dicebantur. Hi duo Angeli, immo quinque, an non æquius bellifulmina poterant appellari? Machabœo autem, an fulmen nō profuit? exercitum totum Iudaicitarum, immis coelū ipsum defendit, ut verè fulminatrix legio posset appellari! Quin & tibi, Rex Alphonse, profuit: terruit, ut resipisceres; & vel iam tonat, ut minis erudiaris. Adhuc misericordiam sperare potes, si te sinis doceri; fin in amentia tua perseueras, & fulmen, & æternos ignes expecta, in pœnam desperatorum, creatos; Tunc acimum ignis in conspectu eius exardet, & in circuitu eius tempestas valida. Nunc tantum præluditur. Nunc fulgurantem vidisti: nisi in tempore sapi, experieris fulminantem Devm. Tunc idem hoc tibi, quod bene promeritus fueris, conduplicabitur.

Rex & oratione ista fulminatus, & metu tam tremenda tempestatis iam antè perculsus, primùm cœpit, publicè, nefandas suas blasphemias retractare, ac illud: Bene omnia fecit, profiteri. Deinde instantis mortis gehennæque formidine, eidem Eremitæ peccata sua voluit confiteri. Mox, magno animi mœrore, ac eiulabili pœnitudine doluit, à se Numen, tantâ stultitiâ, quantâ superbiâ offendit. Secutæ sunt dolorem hūc amarissimæ lachrymæ. Stupendum dictu, quò ille vehementius fleuit, eò se magis fregit tempestas; quæ tantò serenor effecta est, quanto ille vberiores imbræ fudit lachrymarum. Neque desijt ille insanias suas antè deplorare, quam Devs & cælum ad liquidum tranquillaretur. Sic fulminat misericors Dominus: ut ostendat superbis errorem suum; ad mo-

2. Machabœi
10. 29.

VIII.

Matth. 7. 37.